

# Дживрär усчдг теплоходмуд

Августин 22-т болсн РСФСР-н Министрмүдин голин флотин техникеск советин хуртг „Ракета“ гидг түрүн болдж гарсн, дживрär усчдг теплоходиг сөрлгъ кеснә ашинь шалгъдж күүндвр кев. „Красное Сормово“ гидг заводт эн теплоход кегдснн.

Эн теплоход борт деерән 70 күү суулгъчкад, Горький гидг балгъснас авн Москва күүртл—900 километр газрт йовб, тиигхлärн, шулундан нег частан 60-гар километр кев. Сөрлгъ кедж йовх цагларн, частан 75 километр күүргад гүүдж йовб.

Иим теплоходмудиг икär

гаргъхми гисн шиидвр авгдв.

„Красное Сормово“ гидг заводт дживрär усчдг баахн теплоходмуд ода кегдджәнә. Теднә түрүнъкснь сентябрь сард усчлгънд гархми. Амти йовдг болн аца зөөдг, тер мет тенъгст, эс гидж голд түрүү-зүүдү йовдл үзгдсн цагт дөнъ бгдг дживрär усчдг теплоходмуд кех зура диглсдджәнә. Тиим теплоходмуд частан 100 километрт йовдж чадхми.

Өөрхн өдрмүдäs „Ракета“ гидг теплоход Горький—Казань хоорнд усна хаалгъар эклдж йовхми.

(ТАСС).